

# 拔濟苦難陀羅尼經

唐三藏法師玄奘奉 詔譯



南無本師釋迦牟尼佛

## 說明

本繁體校正版《拔濟苦難陀羅尼經》電子書，根據《乾隆大藏經》大乘單譯經，第 0486 部，唐三藏法師玄奘奉詔譯《拔濟苦難陀羅尼經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年三月



掃碼關注仁慧草堂微信公眾號

## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

### 開經偈

(一編)

無上甚深微妙法 百千萬劫難遭遇  
我今見聞得受持 願解如來真實義

# 拔濟苦難陀羅尼經<sup>一名勝福往生淨土經</sup>

唐三藏法師玄奘奉 詔譯<sup>1</sup>

如是我聞：

一時，薄伽梵在室羅筏，住誓多林給孤獨園，與無央數聲聞、菩薩摩訶薩俱，及諸天、人、阿素洛等無量大眾，前後圍繞。

爾時，眾中有一菩薩，名不可說功德莊嚴，從座而起，頂禮佛足，合掌恭敬，白佛言：「世尊！今此世界無量有情，煩惱因緣造諸惡業，當墮地獄、餓鬼、傍生，或天、人中受諸劇苦。唯願哀愍，方便拔濟。」

佛言：「善男子，善哉！善哉！汝能哀愍一切有情，作如是請。諦聽！諦聽！吾今為汝略說拔濟眾苦方便。善男子，有佛世尊，名為不動如來、應、正等覺，為欲利樂諸有情故，說陀羅尼令眾誦念。陀羅尼曰：

「羯羯尼羯羯尼 魯折尼魯折尼 咄盧磔尼咄盧磔尼 怛邏薩尼 怛邏薩尼 般刺<sup>2</sup>底喝

<sup>1</sup> 大正藏：大唐三藏法師玄奘奉 詔譯

<sup>2</sup> 大正藏：刺；永樂北藏及龍藏：刺

那 般刺<sup>3</sup>底喝那 薩縛羯莫般藍般邏尼<sup>4</sup>謎 莎  
訶

「若有善男子、善女人，至誠敬禮不動如來、應、正等覺，受持此呪，先所造作五無間業、四重、十惡，毀諸聖賢，謗正法罪，皆悉除滅。臨命終時，彼不動佛與諸菩薩來現其前，稱讚<sup>5</sup>慰喻，令其歡喜。復告之言：‘今來迎汝，應隨我往所從佛國。’彼命終已，決定往生不動如來清淨佛土。

「善男子，復有世尊，名滅惡趣王，一名大自在勝經<sup>6</sup>如來、應、正等覺，為欲利樂諸有情故，說陀羅尼，令眾誦念。陀羅尼曰：

「輸達泥輸達泥 薩縛播波毗輸達泥 戍  
睇毗戍睇 薩縛羯莫毗戍睇 莎訶

「若有善男子、善女人，至誠禮敬滅惡趣王如來、應、正等覺，受持此呪，萬四千劫常憶宿命，所在生處得丈夫身，具足諸根深信因果，善諸技術妙解諸論，好行惠施厭捨諸欲，不造惡業離諸危怖，具正念<sup>7</sup>慧眾所愛重，常近善友恒聞

<sup>3</sup> 大正藏：刺；永樂北藏及龍藏：刺

<sup>4</sup> 大正藏：般；永樂北藏及龍藏：尼

<sup>5</sup> 大正藏：讚歎；永樂北藏及龍藏：稱讚

<sup>6</sup> 大正藏：名滅惡趣王；永樂北藏及龍藏：名滅惡趣王，一名大自在勝經

<sup>7</sup> 大正藏：命；永樂北藏及龍藏：念

正法，求菩提心曾無暫捨，以諸功德而自莊嚴，具善律儀怖諸惡業，恒無匱乏調柔樂靜，於天人中常受快樂，速證無上正等菩提，終不退於十到彼岸，常願利樂一切有情，諸所修行非專自利，在所生處常得見佛，護持正法預賢聖眾。」

時，薄伽梵說此經已，聲聞、菩薩及諸天、人、阿素洛等，聞佛所說，皆大歡喜，信受奉行。

拔濟苦難陀羅尼經

## ● 結誦儀

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫  
迦囉嚩吽

南無不動如來. 應. 正等覺 (合掌三稱)

南無滅惡趣王如來. 應. 正等覺 (合掌三稱)

### 迴向偈

(一編)

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

十方三世一切佛. 一切菩薩摩訶薩. 摩訶般  
若波羅蜜.

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪



南无护法韦驮尊天菩萨

